

Ekwo
Hagayi
Onye Mpfuchiru Chileke

Oku k'akpukwa eze-ulo Chipfu

¹ Opfu Chipfu rwuru onye mpfuchiru ono, bu Hagayi nchi l'apha, kwe onye eze ono, bu Dariyosu ebo l'abu eze iya; le mboku mbu l'ime onwa k'ishii ya. O je epfuaru iya Zerubabelu nwa Sheyalutiyelu; onye bu iya bu nnajioha le Jiuda teke ono. O pfukwaaru iya pho Jioshuwa nwa Jiehozadaku onye bu iya bu onye-ishi ndu-uke Chileke. O su phe: ² “Wakwa iphe, oopfu baa; mbu Chipfu, bu Okalibe-Kakota-Ike: Ndu-a l'anoduje epfu su l'o toko rwudu teke aa-kpukwa eze-ulo ke Chipfu.” ³ Tobudu iya bu; Chipfu gbenu l'eka onye mpfuchiru ono, bu Hagayi zia ozi su: ⁴ “?Bu nta-a be o gbaru g'unubedua l'onwunu e-bugbaaru l'ulo unu, a kpuru mee ya ona; ulo-a buru okorobo ulo g'o bu-a? ⁵ Mbu-a; wakwa iphe, oopfu baa; mbu Chipfu, bu Okalibe-Kakota-Ike: Unu leanarọ enya huma g'uzo unu gbaru! ⁶ G'unu koru iphe, ha shii l'ali; unu kpata iya iphe, abadu ishi. Unu nodu erije nri; o too jidu unu ephe; unu angua iphe, angu angungu; unu taa ngu-jidu ephe. Unu nodu eyeje uwe; o to kposhidu g'oyi ta anodu atsụ unu. Ndu aapfu ugwo nodu anataje ugwo phe chiru ye l'ekpa, fuhuru uzo. ⁷ Wakwa iphe, oopfu baa; mbu Chipfu, bu Okalibe-Kakota-Ike: Unu lenaa enya huma g'uzo unu gbaru! ⁸ Unu gbeshi je l'ubvu ubvu je ekwoshia oshi bya egude mee ulo-a; k'opfu oome g'ehu tsoo mu utso; teme l'a nodukwa iya pho kwabe mu ubvu. O kwa Chipfu epfu.

⁹ “G'unu leri ɛnya iphe, ha shii; abya l'ele ɛnya; ɔ bɔru iphe, abadu ishi. Iphe, unu wolataru unuphu bɛ mu aphɔje swaa phɔkashia. ?Bɔ gɔnu kparɔ iya? Ɔ kwa Chipfu epfu. Ɔ kwa ɔlo mu ono, unu parɔ haa; ɔ bɔru okorobo ɔlo ono kparɔ iya; l'ɛka unubɛdua l'ɛhu l'ɛhu esegbaa akanya ɔlo k'unu. ¹⁰ Ɔo ya bɔ lɛ-a; ɔ kwa unu meru g'o gude igwe kwabuhu iji; alì mehubuhu iphe, e meberu iya. ¹¹ Noo ya; mu kua okpomɔku oku; ɔ bya l'ɛgu bya ekpoahaa l'eli úbvú úbvú; bya abaa l'ereshi; mɛkpoo lɛ vayinu; mɛkpoo oshi olivu; mɛkpoo iphe, bɔkpoo iphe, eemetajɛkpoo l'alì; kpoahaa nemadzɔ; mɛkpoo iphe-edobe; mɛkpoo l'akanya, unu gude ɛka unu see.”

¹² Tɔbodu iya bɔ; Zerúbabelu nwa Sheyalutiyeɔlu; yɛɛ Jioshuwa nwa Jiehozadaku, onye bɔ iya bɔ onye-ishi ndu-uke Chileke; mɛ iphe, bɔkpoo nwa ndu ono, wafuru nɔ ono g'ɛphe ha bya emee olu Chipfu, bɔ Chileke phɛ; mbɔ ozi, onye mpfuchiru ono, bɔ Hagayì ziru phɛ; kɛle ɔo Chipfu, bɔ Chileke phɛ yeru iya g'ɔ bya. Ndu ono tsɔahaa Chipfu ebvu. ¹³ Ɔ bɔru iya bɔ; Hagayì ono, bɔ onye-ozì Chipfu ono bya ezia ndu ono ozi-a, bɔ ozi, Chipfu ziru iya ono: “Mu nɔkwa swiru unu eswiru. Ɔ kwa Chipfu epfu.” ¹⁴ Ɔ bɔru iya bɔ lɛ Chipfu eshi nno kpalia obu Zerúbabelu nwa Sheyalutiyeɔlu; onye bɔ iya bɔ nnajìoha lɛ Jiuda; kpalia obu Jioshuwa nwa Jiehozadaku; onye bɔ iya bɔ onye-ishi ndu-uke Chileke; bya akpalia obu iphe, bɔ ndu Ízureɔlu g'ɛphe ha, bɔ nwa ndu ono, wafuru nɔ ono. Ɛphe bya awata eje ozi l'eze-ɔlo Chipfu ono, bɔ Ɔkalibe-Kakɔta-Ike ono; mbɔ Chileke phɛ ono, ¹⁵ lɛ g'ɔnwa k'ishii ono dɔ l'ɔkporo abalì l'abalì ɛno l'apha k'ɛbo, onye eze ono, bɔ Dariyɔsu nɔwaru l'ɔkwa eze iya.

2

Epfu g'ulo ophuu ono a-maberu mma

¹ O rwua le g'onwa k'esa du le ukporo abali l'abali lanu; Opfu Chipfu rwua onye mpfuchiru, bu Hagayi nchi su: ² "Waa iphe, ii-zi Zerubabelu nwa Sheyalutiyelu, onye bu iya bu nnajioha le Jiuda; zikwa ya pho Jioshuwa nwa Jiehozadaku, onye bu iya bu onye-ishi ndu-uke Chileke; mekpoo iphe, bu ndu Izurelu, g'ephe ha, bu nwa ndu ono, wafuru nu ono. Jia phe su phe-a: ³ G'unu hakpoo-a; ?bu ndu ole phodukwaduru, bu ndu humaru ulo-a g'o shi du-be ubvu le mbu? ?Denu g'o du unu nta? ?To dudu unu g'iphe, eeme ke mmanu? ⁴ Obenu nta; shihukwa obu ike gube Zerubabelu. O kwa Chipfu epfu. Shihukwa obu ike gube Jioshuwa nwa Jiehozadaku, onye bu ngu bu onye-ishi ndu-uke Chileke; unu noshikota ike; iphe, bu unube ndu ali-a l'ophu. O kwa Chipfu epfu. Unu je ozi, unu eje; kele mu no swiru unu eswiru. Nokwa iphe, Chipfu, bu Okalibe-Kakota-Ike eepfu. ⁵ Owaa bukwa oqbandzu, mu l'unu gbaru teke unu shi le Ijiputu wufuta; mbu le Unme mu nokwa l'echilabo unu. Oo ya bu ge ndzu ba agukwa unu!"

⁶ "Wakwa iphe, Chipfu, bu Okalibe-Kakota-Ike eepfu: O to dukwa g'oo-no-beru; mu anmaa igwe l'ophu yigayiga; nmaa eliphe l'ophu yigayiga; yee eze-enyimu; yee ali, kpohuru nku. ⁷ Mu a-nma ohamoha l'ophu yigayiga. Onye ono, ohamoha ele enya iya ono abya. Mu emee g'akpabiri iya ji ulo-a l'ophu. O kwa iphe, Chipfu, bu Okalibe-Kakota-Ike eepfu. ⁸ Mkpola-ochaa bu nkemu; mkpola-ododo buru nkemu. O kwa Chipfu, bu Okalibe-Kakota-Ike eepfu. ⁹ Akpabiri k'ulo ikpazu-a a-kakwa shii eme l'akpabiri iya k'akahu iya. O kwa Chipfu, bu Okalibe-Kakota-Ike eepfu. O buru l'eka-a

bẹ mu a-nọdu wobata ẹhu-guu.” Nokwa iphe, Chipfu, bụ Okalibe-Kakọta-Ike eepfu.

Ndu Ízur ẹlu emerwushi onwophe

¹⁰ O rwua l'abalì k'ụkporo l'ẹno l'ọnwá kẹ tete l'ime apha ono, kwe onye eze ono, bụ Dariyosu ẹbo l'abụ eze iya ono; Opfu Chipfu rwua onye mpfuchiru, bụ Hagayi nchì sù iya: ¹¹ “Wakwa iphe, Chipfu, bụ Okalibe-Kakọta-Ike eepfu baa: Jìeshikwa ndu-uke Chileke iphe, ẹkwo ekemu Chileke eepfu; sù phe: ¹² Ọ -bùrú ẹ nemadzù pyaru igburonu uwe iya apyapya bya egude iya parù anù, e doru nsọ; igburonu uwe iya ono rwua ẹ buredi; ọzoo l'ọ rwuru l'ophe, e teru etete; ọzoo ẹ mẹe; ọzoo ẹ manù; ọzoo l'ọ rwuru ẹ nri ọzo, dukporo iche; ?o meru g'iphe ono, o rwuru ono dù nsọ tọo?”

Ndu uke sù waawaa.

¹³ Noo ya; Hagayi sù: “Onye merwuru onwiya opfu l'ọ denyiru odzu ẹka; ọ -ha-kwanuru iphe ono denyi ẹka; ? O merwuwaru iphe ono tọo?”

Ndu uke sù iya: “Ee. O merwuwaru iya.”

¹⁴ Hagayi byakwa bya eyee ọnu sù: “Nokwa g'ọ dù l'ẹhu ndu ọha-a, nọ mu l'iphu-a; waa l'ẹhu iphemiphe-a, ẹphe emekpọo ememe; mẹkpoo iphemiphe, ẹphe agwa agwagwa, bukota iphe, e merwuru emerwù. Nokwa iphe, Chipfu eepfu bụ ono.”

Chipfu e-kebe ndu Ízur ẹlu l'oma

¹⁵ “Sù-a; unu lenaa ẹnya hùma g'uzo unu gbaru; e -shi ntanù jasuru. Unu lewarọ g'iphe shi dù teke e teke ewotadu mkpuma kpopfube ẹ nwibe iya l'eze-ulo Chipfu. ¹⁶ Teke ono shi abujeru: onye -jeshiaru l'ẹka ọ kùberu ikpo nri ụkporo; l'ọ bụwaru iri kpoloko phoduru iya. Onye jeru l'ẹka aakuje mẹe je akuta iya mẹe, l'e-ji ugbobe-ẹ mẹe ụkporo labọ l'iri; l'ọoburu ụkporo lanu

kpoloko be ọo-kuta iya. ¹⁷ Akanya, unu gude eka unu see be mu meru o chashihu manu; tsushia evu; mu tupyashia ya l'akamini; ophu unu aghakwaru mu pho iphu. O kwa Chipfu epfu. ¹⁸ Unu lenaa enya g'uzo unu agba; a-gbe ntanu-a, bu ukporo abali l'abali eno k'onwa tete-a jasuru. Mbua-a; unu lenaa enya g'uzo unu gbaru; e -shi mboku ono, a turu okpa-ulo eze-ulo Chipfu ono. ¹⁹ O nwekwaduru mebyi-iphe, dukwadu l'oba? Mbua le-a; e -shi teke ono jasuru nta-a be vayinu; yele oshi figu; waa oshi itorokuma; me oshi Olivu unu g'o ha ta adukwa ophu eyeje mebyi. O e -shi ntanu-a be mu byaru ekebe unu l'oma."

Zerubabelu bu echi, Chipfu gba l'eka

²⁰ Opfu Chipfu byakwa erwua Hagayi nchi ozobakwa k'ugbo ebo le g'onwa du l'ukporo abali l'abali eno ono. O su iya: ²¹ "Pfururu Zerubabelu, onye bu iya bu nnajioha le Jiuda; le mu abya anma igwe ye eliphe yigayiga. ²² Mu a-gha aba-eze ndu bu eze igharaphu. Mu emebyishia ike ndu-ishi l'ohamoha. Mu a-gha ugbo-inya ye ndu agba iya nu igharaphu; inya ye ndu agba iya nu adaa ndatowo; onyenonu bu nwibe iya e-gude ogu-echi iya gbua ya. ²³ O -rwua mboku ono; o kwa Chipfu, bu Okalibe-Kakota-Ike eepfu; be mu e-duta gube onye-ozu mu, bu Zerubabelu nwa Sheyalutiyelu; o kwa Chipfu epfu. Mu e-me ngu gi du g'echi-ohubama, mu agbaje l'eka; kele o kwa mbedua hotaru ngu." Nokwa iphe, Chipfu, bu Okalibe-Kakota-Ike l'epfu.

Bayıburu Izii
Izii: Bayıburu Izii Bible

copyright © 2014 Wycliffe Bible Translators, Inc.

Language: (Izii)

Contributor: Wycliffe Bible Translators, Inc.

All rights reserved.

2020-11-18

PDF generated using Haiola and XeLaTeX on 30 Dec 2021 from source files dated 30 Dec 2021

c6885c7c-c550-5b8b-a4fe-4bd714af4f6d